

Müll Leed

Musik & Text Björn Heuser / Verlag: Dabbelju Music

E A
Letzte Mettwochnohmedaach, veedel noh vier,
H E
ich weede langsam wach, do schellt et ahn d'r Düür.
A
Leicht bekleidet, schlääch jelaunt froch ich: "Wä es he?"
H E
Un hüre nur vun unge leis: "Aufmache - AWB!"

Eren kütt ne Schnäuzer met nem Bierbuch, un ne Türk,
fein jemaat in Orange, ich daach jetz wööt jekehrt.
Der Türk der es am Laache, der Deck säät "Jung, pass op;
Aff nächste Woch do stelle mir he alles op d'r Kopp."

En jääle Tonn, en blaue Tonn, die schwazze suwiesu,
keiner weiß, wohin domet, Haupsach Fritz es fruh.
Der Türke fragt "haseduplatz" un luurt dobei ganz nett,
der Deck meint "Platz bruchste, denn klein sin die nit!"

H E H E
Un nevvahn der Jupp, der schöddelt nur mim Kopp...

H E
Jo, weiste wat ich jläuv, Jupp, ich jläuv die sin beklopp, Jupp,
H E
johrelang jepennt, plötzlich weed der Müll jetrennt,
H E
dat darf nit wohr sin, dat jeiht mer nit in der Kopp ren,
H E
ich schmieße alles in d'r Rhing, maat ühre Driss allein.

Woröm, wiesu, un övverhaup froch ich un sinn se jonn,
der Türk zuck met de Schuldere, un driecht sich widder öm.
Der Deck lööt eine fleeje, un dann sin die zwei away,
dat einzije waat bliet ne Zeddel "Trennen ist ok!"

Reichlich övverfordert un em Ansatz affjefack,
trenn ich mich vum Bett un schmieß mich en de Jack,
ich wullt analysiere wie't die andere do dunn,
un maat mich op d'r Wääsch ahn et Ufer do vum Rhing.

Un nevvahn der Jupp, der laach sich nur kapott...

Jo weiste wat ich jläuv...

Jo, weiste wat ich jläuv, Jupp, ich jläuv ich han der Arsch op,
Umwelt? Nit mit mir, denn ich han en weiche Bier,
dat darf nit wohr sin, woröm sullt ich kulant sin,
ich schmieße alles in d'r Rhing, un spring dann selvs eren.